

四庫全書

子部

欽定四庫全書

圖書編卷六十二

明 章潢 撰

西嶽總叙

華州圖經云蓮花峯上有三峯上接三光中有石池
二十八所上應二十八宿青松綠竹叢生高岡白雲
翠靄旋於幽草懷蘊金玉蓄藏風雷為大帝之別宮
迺神仙之窟宅也况是山多石四面皆壁立瀑布飛

流誠為奇觀唐宋以來題詠甚多嘉靖乙卯地震悉
皆傾覆僅以見存者錄之其靈異形勝之狀蓋取古
本考證不得稍有損益也則夫是編所載豈特古今
仙蹟靈異與夫奇碩之士窮探冥搜發舒其逸興藻
思而已哉



陝西西安府山曰終山

乃關中南山西起隴鳳東踰商洛縣亘千里有餘其南北

亦然隨地異名總大乙

五經要義終南一名太乙猶言之則曰南山耳曰天下第一山也一名地肺

山秦四皓隱龍首山

一名龍首原長六百七十里起地肺山即此伏盤曲貫秦漢隋唐都在內其

西北高處則為秦長樂漢未央稍東南城六坡則為隋城唐西內擬乾六爻之地其東則為唐南內興慶

龍池之所其地則為唐東內大明宮舍元宣政紫宸蓬萊金鑾諸殿之所南內之東南引漣水入城則為

龍首渠入東苑則為龍首池龍首殿皆以是得名原之所經今城東南則狗脊嶺驪山臨潼

金沙洞

在長生殿南三里按驪山東西長數十里其陽為藍田北山其陰為溫泉其上為石魚巖

又東南走馬嶺其東為東繡嶺為石瓮谷為鳳凰原為金釜山為新豐原為浮腫山皆驪山東麓其西為

西繡嶺其石樓藍屋馬嵬坡興平嶢山藍田秦嶺入商洛漢中者必越

嶺而後達遇雪則阻故韓文公至是困焉七盤山通典云七盤十二紆藍關之險路也嵯峨

涇冢嶺商商洛山四皓隱此大華華陰南十里即西嶽以

華山李白詩云石作蓮華雲作臺今觀山形外羅諸山如蓮瓣中芙蓉玉女明星三峯特出如蓮心其下

為雲臺山高五千仞片石壁立如削成上有八卦池大乙池白蓮池細辛坪五粒松玉女洗頭盆老君洞

仙基臺菖蒲池蘆葦池二十八宿池及蒼龍嶺日月崖仙掌巖落鴈峯在華山唐李白登之曰此

山最高呼吸之氣想通帝座矣恨不携謝眺驚人詩來以問青天耳毛女峯嶽西雲臺峯

在嶽東北兩峯崢嶸四面陡絕上冠焦公巖在嶽東南真人

焦孝龍
隱此

王刁三洞

此在嶽東仙人王遙與刁自然俱于
此登仙故名洞有三上洞人莫能

到中洞有飛石遮洞
門下洞隱居者多

石僊洞

在嶽北面半腹中深不
可測時出異色雲氣洞

口有丹青石似仙人之狀故名洞上有
瀑布飛流直下三千餘丈又名水簾洞
陳希夷菴菴前

有睡

壺公石室

嶽西北孤峯上
可容十餘人

玄象山

渭南

金粟

蒲城
玄

扈

洛南黃帝
時鳳銜圖

磬石

耀

堯門

三原

中山

富平

鰲背

同官

龍門山

韓城縣東北八十里禹貢導河至龍門呂氏春氏曰
龍門未開河出孟門東大溢是謂洪水禹鑿龍門始
南流按河水至此自山直下千仞激沫如雨濤聲如
雷地皆震撼其下湍瀾驚波如山如沸兩崖皆斷山
絕壁相對如門惟神龍可越故曰龍門秦
錯開河口
記大魚至是不能化龍者有暴腮之困

山

此山在龍門山北其河口畧似龍門而未通蓋繇治水時所鑿九載績用弗成者也今跡存名錯開

河梁

乾即古

公踰者

明月

永壽

峻醴

大白

武功山高恒積雪望之皓然故

名誘云武公大白去天三百

武功

相連

惇物

武功

紫微

石門

化厚黑

石巖

三水縣東門山之西其石色似漆壁立萬仞

五丈原

武功即諸葛亮屯兵處

東

西女學洞

富平

鳳翔府山曰雍山

城西雍水所出山形岐山亦有兩四面不見四方故名

岐山

岐亦名

天梁山

岐山

石鼓

寶雞山麓有十石鼓周宣時物今存國子監

陳倉

寶雞

茂陵

扶風

青蓮

麟游隴山

大白

郾東南關中諸山莫高于此上有鐵鑄山神牌三有湫池雖三

伏亦凝冰山巔常有積雪不消盛夏視之猶爛然
故以大白名有鬼谷即鬼谷子投蘇秦押闔閭處圻

山隴沂水自出泉龍
即禹貢所載陽馬鞍
沂陽

漢中府山曰天臺
府城北有金石可作硯連城斜谷
舊有棧閣二千

九百八十九間板閣二千八百九十
二間土人云其間有一溪可行舟
褒谷
北口曰斜谷南口曰褒

長四百七十里同為一谷兩
谷高峻中間谷道褒水所出
斗山
城固山有五穴通崑崙長安武當青

城隴山有肉芝食之延壽
寒泉
洋子午谷
洋縣東北六十里舊子午谷在

箕簾谷
舊志文與可作亭谷中金竹
西鄉南岐
鳳蟠冢
沔即禹貢蟠冢導沔

大景
沔穴出魚長八寸即丙穴嘉魚洞
寧羌州南七十里西沔河崖畔秋冬水涸則魚

藏春夏水漲則魚出味美似鱖詩所謂
南有嘉魚傳謂出自沔南之穴即此
聖水崖崖畔懸一

石如龍頭滴水崖下
過客飲而甘之故名
七星洞州北百里崖畔
金牛峽

一名五
丁峽
滴水巖兩山峭拔中有飛
瀑自石下至山根
玉女畧陽山高千

之不見其巔山
半有白石如人
羅漢洞一在縣南七十里嘉陵江上

後有邃穴深不可測中有石柱承載巖崖左有藥水
巖一在城北百四十里深數丈濶五尋洞前有大石

由傍
而八天柱金
青碌洞山州西有古石
洞二十處
心山在州
藥婦

平利十八盤石
泉紫荊洵
神僊洞縣西南內有生成石
蓮花一十九朶石獅

子一洞門鵲紫蓋
神仙洞天六字
望夫石紫陽一婦以夫從戎
朝夕登望後化為石

平涼府山曰崆峒

府城西上有問道宮黃帝問道廣成子蓋在此山又有玄鶴洞廣成

洞香爐峯

在崆峒山自香爐臺望倒插石上巨下銳尤為奇怪

五馬信樺嶺

華亭

見子巖

華亭

金佛硤

土有金粒石佛像三在石崖內峽長二十里峭壁對峙不見天日當

河西孔道

東山

鎮原

六盤

開成

回中

涇

保巖

靈臺

隴山

靜寧

盤龍

莊浪

美高

隆德

鞏昌府山曰西山

城西廣漢水自出

西巖

安定

雪山

會寧

玉狼

通渭

西傾

漳即禹貢所載

石門

寧遠

朱圉

伏羌即禹貢所載俗名白崖山

祁山

西和

城險峻開山圖云漢陽郡西南有祁山乃九州之名阻天下之奇峻蜀志云諸葛亮率諸軍伐魏攻祁山

以木牛流馬
運餉即此

仇池山

成縣南四面壁立峭絕有自然樓櫓却敵狀上有平地方二十

餘里自下而上有羊腸盤道三十六迴

通靈山

四山環合二水縈流有流水泉自巖竇飛落如

玉繩亦勝境也

雕窠谷

州南步積山北有隄巖避暑宮故基對面有瀑布瀉蒼崖間亦勝景也

鐵堂峽

峽有石筍青翠漢姜維居此

銀椿崖

州東北壁立萬仞崖畔石柱如銀色光映

日傍有洞穴求之莫得

九龍

秦安

寶蓋

清水

卧龍

階

五仙洞

階州東白水江

之南山半有洞穴深百餘里有黃盧木橋又有鐵橋橋下皆有流水如佩環之聲渡鐵橋數里有大風

不可入微聞有雞犬聲不知何境界也

伶倫

徽

驚鷺

兩當縣東古鳳州取名此山腰有登

真洞傍有列宿峯石鏡峯下有分水溪

登真洞

鷺鷥山唐張果老登真之所洞高一丈深百尺

臨洮府山曰西傾

府城西南

鳥鼠

渭南又名青雀鳥鼠同穴鳥名鼯鼠名鼯禹貢

導渭自鳥鼠是也

龕山

金皋蘭

蘭州南五里州之望山也高峻澤厚左右蜿蜒如張兩腋

東西環拱州城延袤二十五里漢霍去病擊匈奴鏖戰皋蘭山下即此地因謂是山為關塞云牛山

金鎖林峽

洮水所經諸峯聳削兩崖縣絕林木森鬱宛似封固故名通谷其谷東西出入

中可容千百人往來不踰數十步工有大竅可見天日

慶陽府山曰大白

城北黑水發源

子午

合水黃帝墓衣冠處

烏崙

環撫

琴馬嶺

真寧安化山左右有川其間舊多居民有葉實猿鳥巖洞幽邃莫窮所止相傳漢之牧地

延安府山曰嘉嶺

城東南范仲淹大書嘉嶺山三字鐫石

五龍

敷施伏陸

甘泉三埏安塞九吾安保孟門川宜青眉川延獨戰延長其山峻險一人獨戰

可以常十錦屏屹然高聳四時花木蒼翠及橋寺廟樓閣青紅望之如錦屏然故名龜山廊

石空洞石洞深一丈五尺內鑿萬佛石像世傳魯般所鑿玉仲中玉華宜君䟽

屬綏德州境筆架清澗龍眼神木五虎府漱玉巖延長其中可容百人泉出

練如

寧夏衛山曰賀蘭山城西盤據數百里倚以為固寧夏中衛山曰

沙山城洮州衛山曰東隴衛城西傾禹貢西傾因桓是來即此

岷州衛山曰岷山城北山黑無樹木魯般崖衛南兩崖懸絕有二靈柯挿入

巖隙間俗傳魯般鑿山引臨江水入白水江以去塗塞之患

河州衛山曰積石城西北即禹貢所載雪山四時有雪

靖虜衛山曰烏蘭城南素嶺守禦所其山高聳夏冬積雪因名黑水 sources 出於此

行都司各衛山曰合黎即禹貢導弱水至于合黎祁連本名大山焉支

山舟後漢匈奴失此山歌失金山永昌城北麗水自出白嶺涼州

馬蹄甘州巖石間有神驥足在焉崑崙肅州衛西南又有林松青松丹峽三名與甘州山連

其巔峻絕經夏積蘇武鎮番衛東相傳即蘇武牧羝處大松莊積石

雪不消世呼雪山西寧三危沙州三山聳出雲表故名即三隴流沙磧玉門關外有

三斷石 鳴沙山

沙州城南峯岬危峻沙如乾糖天氣清朗沙鳴聞於城內其沙或隨人足

而墮經宿

塞外山曰天山

舊伊吾郡有天山高十五里廣六十里冬夏積雪不

消一名雪山匈奴過之皆下焉拜漢遣貳師將軍李廣利將三萬騎出酒泉繫右賢王于天山得虜萬騎

而還即此處

關陝山川

夫秦四塞之壤也雖偏鎮乎西隅而國之形勝實為天下雄固帝王之業也若夫盤互而秀於南者則終南太乙焉隆乎蔭於西極而東望潼關者則華嶽焉

東注咸陽則澧水之所導也其境有蘭池阿房之宮
咸陽之南周之鎬京也茫茫四陵南北相望秦宮所
營澧其鬱焉豈惟涇水之望陵哉西北臨乎豳國而
奕奕者其梁山乎網緼而蒼蒼內有離宮別館昆明
西夾輦道紆曲而相屬者秦之上林也鬱然起于鄠
之東南者有紫閣峯焉其周之靈臺廢也久矣橫亘
乎藍田者有秦嶺焉灞水之所出峽關之所鎮也截
于西域而嫖姚之所開者其玉門關乎環于漢陽而

微茫者其鳥鼠乎限於北漠之郵匈奴倚垣而窺者
秦之長城紫塞也扞蔽朔方而胡笳戰馬之所集者
其賀蘭山乎聲下龍門景入太華而浩蕩者黃河也
而瀑布之潏潏則大白焉荆山峙於河則大禹鑄鼎
之墟也若夫太液曲江之池樂游細柳之原驪山之
溫泉新豐之粉社隴山之九坂長安之章臺又有博
望西郊芙蓉未央長樂建章甘泉之宮不可勝數其
近而羅列者皆鍾秀于雍州其遠而環帶者皆隱耀

於關中也

三山

終南大白太華

終南山在西安府南五十里東自藍田縣界西入咸寧縣界石鰲谷以谷水出與長安咸寧二縣分界西四十里禹貢終南惇物至于鳥鼠詩曰終南何有有條有梅毛註周之名山終南也左氏傳曰荆山終南九州之險也杜註曰終南在始平武功縣南漢書曰太乙山又為終南山五經要義曰太乙一名終南在

扶風武功縣關中記曰終南一名中南言在天中居都之南也又曰終南太乙左右三十里內名福地三秦記曰太乙在驪山西去長安二百里一名地肺山東方朔傳曰終南山天下之大阻也其山多玉石金銀銅鐵豫樟檀栢異類之物太白山按三秦記曰大白山在武功縣南去長安二百里不知高幾許俗云武功大白去天三百里周地圖記大白山甚高上常積雪無草木半山有積雪如瀑布則澍雨人常以為

候語曰南山瀑布非朝即暮水經注曰大白山南連
武功諸山最為秀傑冬夏積雪望之皓然吉茂蘇則
值亂隱於扶風南大白山中按大白武功二山在郿
縣蓋舊武功縣地也今武功縣無此山華山大華之
山今在華陰縣西山海經云華山之首曰錢來山其
形削成而四方其高五千仞廣十里命曰西嶽又西
八十里曰小華山又西八十里曰符禺山又西六十
里曰石脆山又西七十里曰英山又西五十二里曰

竹山又西二百里曰浮山又西百五十里曰峙山又西百七十里曰南山又西百八十里曰大峙山又西三百二十里曰蟠冢山又西三百五十里曰天帝山西南三百八十里曰皋塗山又西百八十里曰黃山又西二百里曰翠山又西二百五十里曰驪山自錢來至於驪山二千九百五十七里按華山三峯中一東西各二鼎峙盤旋峻極不可窮覽何景明曰大華終南大白寶一山延亘不絕大華在華陰終南在長

安大白在郢各望其地異號爾其山首枕嵩芒尾貫
羌蜀表裏秦關蓋邦域大紀云

雍大記

終南山

五經要義云終南山長安南山也一名大乙潘岳關
中記云其山一名中南言在天之中居都之南故曰
中南福地記云其山東按驪山大華西連大白至于
隴山北去長安八十里南入楚塞連屬東西諸山周
迴數百里名曰福地辛氏三秦記云其山從長安向

西可二百里中有石室靈芝常有一道士不食五穀
自言太乙之精齋潔乃得見之而所居地名曰地肺
可避洪水相傳云上有水神人乘船行追之不及猶
見有故漆船者秦時四皓亦隱此山

初學
記

驪山

驪山在西安之臨潼縣南半里即抵其麓經雷神殿
東折門有綽楔榜曰溫泉池過此有室三楹啟其扃
即溫泉也

岐山

鳳翔即岐周今在八府為地少然邑湊而無險阻土
物亞於西安余至鳳縣觀鳳鳴之山曰南岐至成縣
詢古西康州有鳳鳴處鳳縣今屬漢中成縣今屬鞏
昌各去數百里間於羌戎則文王治岐地蓋廣遠也

褒斜谷

褒谷在褒城縣北郡國志謂北口曰斜南口曰褒長
四百七十里同為一谷兩谷高峻中間谷道褒水所

流乃張良送高祖至褒中說燒棧道曹操出斜谷遮
要以臨漢中諸葛亮由斜谷取郿皆此道也斜谷在
府西北入路至鳳州界百五十里有棧閣二千九百
八十九間板閣二千九百九十二間土人云其間有
一溪可行舟

龍門山

去軍城五里官道之傍懸壁環合上透碧虛中敞大
洞下漱清泉宛然天造水簾懸夏冰柱凝冬真異境

也文潞公詩壺中別有境天下更無奇宋景文趙清
獻王素韓絳田況呂公弼呂大防諸公皆有留題行
三里又有後洞蘇元老龍洞記自利至興行五百里
幾半蜀道而巖洞之可喜者莫如龍洞重簷厦屋深
不可窮唐沈雲卿詩長竇亘五里宛轉復嵌空伏湍
照潛石瀑水生輪風

仇池諸山

在鞏昌府成縣西一百里寰宇記在成州上祿縣其


山高峯萬仞自利州來其東西二門盤道可七里元和志載宋書氏胡傳云仇池方百頃四面陡絕高平地二十餘里羊腸盤道三十六回山上有豐水泉煮土成鹽范曄後漢書河池方百里左右皆曰白馬氏麥積山在鞏昌府來南八十里去舊天水縣東百里狀如麥積為秦地林泉之冠上有姚秦所建瑞應寺山之北曰雕巢谷有隗器避暑宮對面瀑布瀉出蒼崖間又有魏乞弗後墓鎖林峽在臨洮府城南六十

里曰史家灣洮水所經會灣之右即南山麓路引一
線穿麓入峽峽之阻諸峰聳峭兩崖懸絕故山道狹
隘林木鬱森四封固蔽而無所通故曰鎖其桃源自
番疊戍界與岷山分派江東行者此經岷州穿鐵城
旋入萬山間凌波盤渦倒山堙谷而來遂受吞此峽
適一登臨則衝波騰浪激盪險壯突出峽口滔滔巨
野逼府城而去龍門山在舊太安軍城五里去今沔
縣南六十里官道之傍懸壁環合上透碧虛中敞大


洞下漱清泉宛然天造水簾懸夏冰柱凝冬宋丈浴
公宋景文皆有留題行三里又有後洞蘇元老龍洞
記自利至興行五百里幾半蜀道而巖洞之可喜首
莫如龍洞重簷厦屋深不可測


西嶽華山之圖

西嶽行宮至
東臺觀十里



雲臺至玉
泉院一里







希夷峽至沙
羅坪半里至
青柯坪十里


沙羅坪

希夷峽



青柯坪至回
心石一里







百尺峽入胡
孫越至老君
梨溝至日月
涯五里



日月崖至關王破
至蒼龍嶺由岳龍
宮至西峯登南峯
絕頂十里頂之下
為避難岩頂之東
為東峯有老君下
棋石東峯下有仙
人掌供險不可上
惟圖南元希之後
至此





西嶽大華山

經曰大華之山削成而四方其高五千仞其廣十里
蓋指華中削成而四方者爾四方之外宮之盡華也
自縣南十里入谷逶迤上二十里抵削成北方壁下
乃谷即西南出不可行行東北大雷中一峽纔容人
左右穿受手如決吻人上出如自井中者千尺曰千
尺峽北不至十步復得一峽百尺人上出如前峽曰
百尺峽則東南行厓往往如覆敦出人穿其穹中行

穹中穿如反輪牙也厓絕為橋者二所東北徑雲臺
峯東南得大阪可千尺人從其罅中躡街上阪窮為
棧五步顧見罅中如一耦之眵新發諸耜矣罅中穿
如峽中峽中銜如罅中峽中之縞垂罅中之縞倚皆
自汲也棧北得厓徑丈人反行於穿手在決吻中左
右代相受踵二分垂在外足已茹則蓄膝也足已吐
是以趾任身也北不至十步厓乃東折得路尺許如
厓剡中人並厓南行耳如屬垣者二里剡窮復西出

厓上行則積穿三丈有厓從北來跋此厓上復高三丈自跋首南行厓如前剡中屬耳甌耳矣三里而近為蒼龍嶺嶺廣尺有咫長五百丈厓東西深數千仞人莫敢睨視是酈生所稱搦領須騎行者矣雖今得十級行哉足欲置之置先嘗一足于級上置也然後更置一足其所置足猶若置入石中者猶人人不自固匍匐進也及窮得厓跋焉高二丈一隅西北出人從其隅上南一里得厓又盡礫不可以穿繻自汲也

是皆所謂懸度矣不至百步西北冒大石出厓下西南上二里得松林五樹稱五將軍厓上者不見杪厓下者不見本從縣中望見松如樹莢也西一里有大石如百斛困不知何來客於此橫道而處踰之為穿徑二十所西南百步得巨靈掌掌在削成東北方壁上不盡壁五丈許人不得至掌二丈許掌形覆其拇北引如三尋之戟從縣中望見掌即五指參差出壁上也又西百步詣削成四方上矣西南望削成四方

中東北望所從上削成道道從東北隅出二十里是
錚于雲臺峯猶杓之在斗矣削成上四方顧其中汙
也上宮在汙中西北玉井在上宮前五尺許水出於
其上潛于其下東北淫大坎中凡二十八所北注壁
下壁下注道中一穴北出水從上冪之也四壁之穴
各在一搏上宮東南上三里許得明星玉女司舍神
霧稱明星玉女持玉漿乃祠在大石上長十丈許祠
前輒拆下有穴穴有石如馬拆南五丈坎如盤者

五所如白者一所水方澹澹也下從祠東南峽中行
二里得池二所大如輪東西行三里望見衛叔卿之
博臺在別巔為埒不盡厓尺中如砥可坐十人厓南
北縞纒纒也欲度者先握縞自懸厓中乃跼厓自汰
今就縞不得縞還跼厓自汰得而後釋所自懸縞也
此即秦昭王使人施鉤梯處也西南上三里許得一
峽如括曰天門門西出為棧而銅柱陜不能尺長二
十丈棧窮穿井下三丈竅旁出復西行如棧而銅柱

一池在石室中不可涸也天門旁有臺如叔卿之臺
南望三公山三峯如食前之豆是白帝之所觴百神
也從上望壁下大谿谿肆無景即日中窈窕爾久之
一山出其末若鏃矢頃即失之矣是為南峯南峯前
出南壁上東峯旁東峯出東南隅壁上西峯出西北
隅從下望之五千仞一壁矣攀龍曰余既達削成四
方中不復知天不可升矣余夫善載腐肉朽骨者乎
及俯三峯望中原見黃河從塞外來下窺大壑精氣

之所出入又未嘗不爽然自失也

關陝山川

仲夏在華陰縣將登西嶽竊意茲山日有登者遂與御史杜君叅政胡君提學王君偕往先至雲臺觀又與行五里至玉泉院入南澗口沉徑至逼荆棘偃仰五里至第一關步行自此始三君者皆色阻不往予獨青鞋皮襪與校官一人僕夫數人以登以三君畏不前乃又竊意自有登者而已上行七里至希夷蛻

骨巖巖傍有道院下有小池池之西有懸崖高丈五
許遂揭水題名其上自是凡遇奇石輒題名又上行
二十里蹈霧蹠雲崎嶇輶輶而至于青坳坪俯視麓
下已冥冥如烟雨之區仰望三峯巍巍屹屹高聳天
際不知如何而上坪側有道院北有小洞洞中一辟
穀者居之歸宿于觀至明攬衣直上至回心石石東
南之路皆斜峭絕壁攀鐵鏢自此始游人至此皆疲
而畏險輒還故曰回心予於此始謂歲有人登而已

遂令從者二人先攀校官繼之余遂繼之攀之狀左
右手遞接兩傍鐵鑠足遞踏松杙目眈眈心慄慄以
上凡攀行八十步其名曰千尺峽東北轉行一里許
凡攀行百步其名曰百尺峽又東北行幾二里許則
面崖而兩手竝執崖上鐵鑠足踏木棧以漸東移橫
行百步其名曰仙人橋又東北行一里許凡攀行六
十步其名曰胡孫愁又東北行二里許凡攀行十步
其名曰閻王匾又攀行三十步其名曰閻王峽又行

幾二里許攀行七八十步其名曰老君犁溝又行四里許至雲臺峯折而南行三里許至日月巖其崖有紅白二景天成石上此有黃冠五六人依崖構屋居焉轉西南行二里許是為山脊兩傍皆萬仞絕壁脊廣三尺許列鐵柱間鐵鑠于左右過則伸足于前坐于脊上兩手秉鎖以身漸移而前百步許其名曰蒼龍嶺又上行一里許路又忽絕由深洞以入三十步許轉而上其名曰鷓子翻身歷過諸險復得易行上

觀五松其形怪詭不可狀又上至東峯絕頂洗頭盆
在焉又折而西三里許是為玉井余挹而飲之甘冽
異常再登西峯絕頂上有鎮嶽宮傍有石洞遂題詩
壁上西峯之頂缺空丈許有大石蓋覆于上此乃造
化奇跡予入缺處命僕先我予後出缺口而下望晦
晦幽幽淵然無際不覺神變股慄東南二峯若仙人
掌賀老巖黑龍潭皆覽而盡西眺秦川北俯黃河如
線如帶南則秦嶺以南東指潼關之外諸山不啻培

樓丘阜六合曉下感乾聚坤大哉眺也至此輒敢謂
代有人登而已非天收風歛雷又決不可上乃知其
遊若山靈默相之者初讀山海經謂大華之山削成
而四方其高五千仞至謂鳥獸莫居未之信也今則
果然又謂有蛇焉名曰肥蠃六足四翼今聞山之奧
處踞有鉅蛇蓋即所謂肥蠃者方益信此書之不誣
遂題名于觀之石壁由舊路而下頗覺稍易還第一
關天已暝至玉泉院宿焉

華山西峯

聞游者及青柯坪仰瞻多自阻以故卒不敢往遣其僕慣登者二人導予翌日業行近山口泉聲琅然稍入殿角出灌木中僕曰此玉泉院也至院外觀希夷先生塑像熟睡如生立清樾中諸道士出迎前導傍山對開神意飛動于時宿雲在巔羣峭未出餘烟自旁山上褰朝陽射其端壁立之妙荏苒可得風觸壁鳴及澗其停滙處澄徹如鏡微漣動搖影上壁中多

紅白礫余盟潁清寒透骨試嘗焉甚甘美勝吾鄉陽

開

泉幾十倍澗北絕徑處實如柚者下垂僅越險取
食之蜚口棄去西轉至小石洞洞外平石如枰中可
參坐坐其上書所賦詩而東巖方洞適與之對意靈
詭內潛遂相率以入僕曰此希夷匣爾蓋其葬也棘
梗道不得近因疑匣為函恐昔所盛蛻者而俗謂之
匣爾及上峯峯直立鐵鑠下垂望峯端漫不可辨但
峯腰雜樹倒懸斜倚而幽意可人鑠兩崖多小坎從

下達上深可二寸僅容履端蓋登則緣鑠以託足者
僕曰上有道士王友巖居惟玉泉一二道士時裹糧
往食之鑠盡處及石隙號西玄門此峯蓋唐玄宗妹
金仙公主駕鶴升仙之地而門則玄宗覓金仙而鑿
焉者也從門入盤折數峯頂始及友巖所居南望連
山不知所止上無雜草惟細辛一方不多產余雖搖
中而憚險弗敢進坐峯根婆羅樹下瞻悵者久之由
峯根北折度狹徑外則壑谷類也余問青柯坪遠近

不對惟放歌倡答而去出樹外大石突立中谿若斧
劈然僕曰此第一關也鄉人避亂時每入關壘石絕
此予視關內尚亂石旁聚無數關右二里石虎踞因
坐摹之忽不知四人所在厲聲呼不應跡半里所則
皆坐澗邊澗外瀑布正懸南崖端下激樹榦飛沫成
雨點因風容與久而後墜又百餘里步則第二關也
視第一關壯雖不逮而險則過之關內陰風勁甚不
可留促步出返顧所來則一青靄爾復登頓詰屈數

百折見平綠藹然林端既至乃青柯坪山恰半從入
山來悉崎嶇側塞夷者惟此草長過人岡之祠西南
則始攀鑱處也置杖草間聞松聲颼然此以下皆雜
木無松以上則純松矣蟬鳥遂絕詩人謂山深無鳥
聲信然鑱洩危石上僕先進予亦攀過路縈紆並石
根極隘瑟縮以行路斷接以木行則拙少進一峯前
障不甚峻上天下小所謂巘也無草樹黑黃白相間
上有赤白二圓形僕曰日月巖也復行二百餘步直

崖漸立有短楸閣崖罅為級如梯鑠旁垂問之乃百
大幢也級每腐或缺由級以上先輕躡試之然後寘
足過此有類是而愈長者千尺幢也既上凡石之如
嶠如扈如巋如巴山者眩視不可數抵前崖徑忽斷
崖峻削無可為徑者即崖腹綴小木如笏當絕谷之
上凡三接始及徑鑠亦橫綴崖腹予目焉跡未及而
先痿矣遣四人前度慮逼吾後以振也余趑趄握鑠
寸進之聞聽一視步歇半木伊軋鳴東野登閣尚稱

脚脚踏墜魂吾今何稱哉曰自咎以親枝履此險半
時許乃得過問諸僕僕曰老君離垢也信仙凡之隔
如是復斗折道松林間翳不見日毛髮聳然沈生謁
禱山神祠懼蒼龍嶺之迅風也既至老木赤立惟東
南一枝僅存微有葉根亂布石上若萬小蛇攢綴蠕
動余駭然貌其大較因思平日畫樹雖搜奇獵怪致
巧寧得似此所謂畫不神于所做而神于所遇也然
而望蜿蜒入雲勢未知何以處此嘗聞登者言度嶺

慎勿旁視視則惡風至危不可度嶺凡兩折中突旁
殺如背色正黑鑠當背上並鑠皆小坎亦猶上方峯
所託足二僕先示所以登因四布伏嶺背竊窺其旁
則深不見底但見松頭濺濺出沒蒼烟中萬峯羅拱
向背高低邪正起伏若翠浪洶湧相後先秀不可狀
風颯爾有聲衆籟齊作杳蕩奔激遠近胥應憶登者
言遂膽掉股栗不能動去上折無幾視若天淵然風
稍止尋進而僕已過上折矣余勉強盡一折行上折

覺稍便漸熟故也自嶺下仰觀將謂頂絕無復過此
及嶺端則峯頭挿雲尚未知有幾里僕輩弗喻予以
西峯尚遠勿稽遂作以行至此則少上皆徑於石鑠
從橫罕無鑠者又越五六險始及鎮嶽宮宮在西峯
頂東諸神列坐不辨何神松罅間金碧參差與日爭
炫者嶽帝廟也及廟中見道士王老師款坐廟之前
則其居也窻在西壁隙有光開窻而其居則度之懸
崖之上俯瞰峻谷不知所極惟松頂麻萃叙距窻二

丈許峯壁峻拔自峻谷直上霄外畧無突陷真所謂
削成者壁上一松寄之壘間根直下如懸死蛇枝稍
正拂窻手可接松實累累余提以斷甃弗中墜下觸
石且墜且觸聲如從甃中來良久始息至是則頽陽
尚微霧彩漸發倚窻望西北平田無際荒烟莽然中
有渭水委蛇如龍日光射水中金燦不敢正視居之
南乃大岡頗類龜背色墨而粗澁岡下羣峯如攢劒
如束笋無一渾然者予將摹之而嵐靄迷漫弗果東

望玉女峯殿在峯頂雪壁爍日殿旁有物似人非人
往還松樹間遠不可辨岡稍南大跡一岡上深可三
寸長四尺餘旁鑄巨靈足三字竊謂力能劈山其足
跡僅如此得非不能載其形乎且東峯掌形自峯端
達峯底假使所傳果然則如彼之大手而配以如此
之小足有是理耶東峯玉女峯昆季相倚惟南峯截
獸陰風怒號御袂猶冷視蒼龍嶺裸體其寒暑之異
乃爾哉

華山南峯

拂旦起王道出華山記相示行二三里稍疲坐松根而四人已在石梁外高唱曰南峰至矣起而前僕曰此希夷避詔巖也目昏不敢留盼竟不知已達巖底因仰首怪狀可愕巖上覆以蜂窠然頗類太湖石或類波濤蕩潏所為淡黑津津焉余坐觀自謂不世奇逢西南角一罅明透可側身入命僮掖入之及半見罅外樹梢動搖日影流罅中明暗稍分上滴瀝如雨

陰風挾鏹風撲人中服皆潤下濕不敢進睨石壁有
鐫字四行不辨何字由是自巖底北旋繞兀中度小
樅又度架板代樅者三若波舟之所搖蕩古松一根
拔卧壑上闕道勃窣踰松上過得真武祠從祠畔上
登扶石闌轉峯閣皆石版布道闌外絕谷試微瞰怵
然神懔閉目低頭倚壁始定峯南上下壁削亘東西
皆闌也異焉伏石版下硯蓋鑱壁成瑆以疊石置闌
面之中窾石以入則所謂朝元洞也深可四丈廣近

之高又倍焉純白如雪中設三清像余問主者嶽師
師曰昔賀老師營此四十年雖鑿焉而不敢碎石下
墜墜則雷動龍潛故也自爾且鑿且運功未就而師
亡繼以其徒甫就洞外數步師又穴石版鑠以下達
西轉則師之避靜處也沈生等躍然往觀予待二時
許還曰穴之下則鑠雙垂鑠盡則版道也穴相距不
知幾十丈石代栴壁以當其中縋縫下至石杙少息
復縋至版道又少息然後攀鑠西行數十步漸高又

數十步始及避靜處回視版道則載銅杙之上而銅杙則插之峻壁之中外雖有闌木久多腐以鑠是賴掩其振搖石杙一銅杙十七竟不知作何時於何所置足闌之外下見松栢如灌莽在杳冥中師去幾時其室其爨所猶在然非憑土憑於塊石之突崖耳室之西則別巖也巖類俛首形遙覆室上上鑄全真巖三大字填之赤色然上下俱不可倚豈人履虛而作之也耶吾初履版道知有版道而已奚暇他及既至

而得其所以始不知止於何地我輩壯年恃力不少
怯今精奪於此矣去洞沿故路東行降八九折緣磴
復升巨石錯峙石分處如瓢下視類井底黯不見物
然兩木倚石可下僕曰安真人肉身所沈生率三人
下觀及還談真人坐石龕不壞其衣履如生人抑坐
逝處邪躋石以望見峯頂羣松如沃峯背類覆盂麓
散如礪可縱步四人爭先若飛予至此已疲甚足不
吾許殆及嶺憩龍潭旁潭旁水潏面潭有三深淺不

等深者不過二三尺僕言雖大旱此弗枯志稱頂有
池生千葉蓮覓之不見不知當騎茅龍天飛者其由
此非歟最高處一松子立余倚松望信乎諸峯羅列
似兒孫矣雲適生從王友峯東峯兩間出倚風作嬾
態歟空突然北涌以巔崖狀既而復還漸慢于松巔
不動如憩而山北所見皆漫漶不可識意彼或仰瞻
吾固在雲表也

玉女峯

降而西二里許東折漸上至是無磴多倚木枝根石
間代為級皮脫滑不可登五人相與推援以進凡二
十餘處則玉女峯頂也嘗聞女冠楊氏名姝也少女
入山食松皮八年始火食或枵腹即大雪七日不粒
亦無恙竟日夜弗卧因訪之石室中尸坐如寐見予
起相揖笑曰此中罕聞人聲君何來之異耶余告之
故就問其入山時則三十有七歲今已七十有二歲
矣自云一生無病觀其顏雖非丹而精神燦然步甚

健固知其有養也引余步松間風適來激峯壁直下如箭尋穿松林度壑而去相與立隙端因指西峯東面窅隆如蓮花謂予曰此正西嶽蓮花峯也安有峯頭玉井之產予至玉女殿道玉女所由觀洗頭盆蓋石上一圓坎爾水紺碧不乾集仙錄稱有五畝不知何據之殿右觀韓姑姑遺蛻遣僮撤所障亂甍啟棺蓋窺之殆如初沒者楊氏曰沒幾三十年矣雖搞不腐以杖摘其足亦不僵有道者乃如是蓋楊氏師也

大石如龜殿正坐龜上而楊氏石室則藉龜腹為之
覆由殿前踰石梁北眺崇岡廓然然狸豸不能進岡
半有大壘焉楊氏曰唐玄宗禱雨拋簡處也下通黃
河恐或然耳復旋至石室前指以近觀仙掌所在余
與四人循東峯北行斯須林斷豁然乃東峯之西北
壁而玉女峯之東北崖也巖西宕如鳥喙距東峯不
遠上豐下縮瞰即魄褫宕處小松一株附巖側不見
根出巖上者三之二中無鱗而光僕曰此捨身樹也

游者抱樹轉數匝則獲福予僮聞之即抱之轉不休
峻遏迺止巖正當仙掌可察遂坐憶王涯仙掌辨謂
峯有五北壑破崖而列自下遠望偶為掌形俗傳則
曰巨靈擘剖掌跡猶存余因思涯之所辨似得於傳
聞未嘗如吾之近觀也殊不知膏出於壘溜以漸淡
黃微白間之黑壁中上則五歧下則片屬歧者如指
屬者如掌復有細溜無數雜五歧間遠望之則惟見
其大者故五歧如指耳寧有五崖北壑破崖而列哉

大華仙掌辨

西嶽大華山華之首峯有五崖北壑破厓而列自下
遠而望之偶為掌形舊俗土記之傳者皆曰昔河自
積石出而西流既越龍門遂弭南馳者十數百里折
波左旋將走東溟連山塞之壅不得去有巨靈於此
力擘而剖其中踞而北者為首陽絕而南者為大華
河自此洩茫洋下馳故其掌跡猶存巨靈之跡也余
聞惑之乃往觀曰誕哉此說乎夫所謂神者非人也

其動無聲其行無跡若形而無象若氣而無色拔山
剖澤而不見其作鼓風奔水而不見其力視不可察
名不能及故推而謂之神苟有聲形可聞見非神之
所為則皆人力之能及也烏有神之作力而有人跡
乎且夫高天厚地聳山流川者神之所為也所言開
山導河亦神也神之所以神者有作而無悖一成而
不易烏有始塞而復達之始連而復絕之始不知終
是不為神矣且此靈之運為何古乎在太初開闢之

始乎為陶唐洪水懷山襄陵之際乎以為開闢之始也宜當胚渾之先天地未位萬象茫昧尚無定歸當止一河之壅抑而一靈與其道偕有其事自為而著悠悠乎年代之眇沒其誰也克傳以為陶唐洪水之際乎則禹奠百川宜在禹貢乃曰導河積石至于龍門至于華陰東至于底柱皆屬功之所致以達于海豈天地大異之若此典記不以為文哉天設四瀆宜有以通不當始遏其流滯撓其和氣及其汨亂而後


理也且山谷之作此形何則不有嶮岼相搏高深相
滴乃有銳而出者為虎牙偶而背者為熊耳角而巘
者為牛首冠而峭者為雞頭必以形之類形而必加
說則雞牛熊虎之象其亦有作乎余嘗覽張平子賦
西京至巨靈高掌厥跡猶存之辭以為駭聞精達常
以是感使不語怪神之亡何所述明暨觀其形而咨
之果謬悠而無據也

吳山形勝之圖

大邑回車


圖書編


卷九



吳山在今鳳翔府隴州南七十里隴州唐天寶改曰
汧陽郡地志稱曰吳山山有五峯一曰鎮西二曰大
賢三曰靈應四曰會仙五曰望輦書道岍及歧岍即
此也周禮其山鎮曰嶽山水經云吳山之峯秀出雲
霄山頂相捍望之常有落勢其位西方故曰西鎮自
唐宋金元代加王公封號皇明洪武初悉革去之直
稱曰西鎮吳山之神

山西各郡諸名山總圖





山西太原府山曰方山

城東石室

大原西南篆字人莫能識

麓臺榆次

灰泉

大谷

噴山

和

錦屏

交城

羊腸

郡

程

國志萬根谷石

白虎

然

白虎

水渦山

壽陽

紫金

臨

白馬

孟

藏山

程

嬰公孫杵

白藏趙孤處

天柱

樂

天柱

蒙山

平定

少山

樂平恒山

清漳水出此

佐命

夏屋

趙襄子北登夏屋

誘殺代王遂有代

地即此山側有西戎谷

鴈門

鴈出其門故名山西之關四十餘

守秦戲

繁峙

源沱

之水出焉

五臺山

五臺五峯高出雲表頂皆

積土因謂之臺世傳文殊

師利所居清源山即此

仙人山

石巖上有人坐跡山腹石有手

聖鍾山

與五臺相接上有仙寺嶺三賢巖習觀

正陽

欽定四庫全書

卷六十二

嶧
程侯忻聖阜定襄奇嵐奇嵐高石樓興翠峯保德呂梁

石州禹貢治梁及岐春秋梁山即此屏風寧鄉

平陽府山曰姑射府西即三磴襄陵其山九十餘里其形三磴北有龍闕

谷內有龍樹神祠姑射自西北蜿蜒而來婁山洪峒浮

山浮山羅雲越城卧龍曲沃澮高翼城汾西汾西翠屏蒲中條蒲州

山跨平陸萬城安邑夏縣解州之境中首陽即禹貢

有桃花玄女二洞及谷口蒼龍等泉齊夷叔五老臨晉孤山萬泉龍門河津西北即禹所鑿通

右石徑之絕險羣山檀道解州玉鈞安邑湯山開箕山平陸

許由絳州晉諸大夫荃稷神稷山稷播大行絳縣

西北諸大陰崖壁峭絕陽折腰恒曲霍山霍今為介山

箕支脉景不到故名靈石介之壺口吉即禹貢所載蒲子隰堯師蒲子隱此妙樓山山有石巖

推隱此高廣內有石室前有龍池水泉冬夏不竭翠微寧大龍窩洞石壁上有巖竇深窅石樓

石樓蒲北樓和永底柱峯平陸黃河中流其形如柱禹鑿底柱以通河三川既決謂

之三門底柱之側有老君爐傳巖平陸傳說隱此噴雪巖解州巖泉噴出潔白如雪天

柱峯中條山有瀑泉自天柱峯東懸王官谷唐司空流百尺而下出王官谷入沙泉表聖隱

地沿貽溪南至谷口石路巉巖上有白雲洞石泉洞藏雲洞又東有八仙洞紫團山由慈雲石

至玄蓋寺山勢巉岬諸峯挺峙西連王屋東俯林慮諸山南北相拱帶跨青蓮百泉之勝

大同府山曰白登

府城東七里即恒山渾源州南二

也水經謂之玄嶽其山高侵霄漢舜北巡狩至於恒山即此山有天風嶺大茂山安王石龍泉觀及通玄谷步雲路望仙嶺碧峯障虎風口集仙洞白雲堂紫芝谷潛龍泉琴棋臺會仙府聚仙臺得一庵夕陽巖

白虎峯古老嶺石脂園白龍洞

清凉懷仁

黃花

山陰龍門

山陰亦

燕京

朔

水出焉

紫金

馬邑

高是

州千夫

靈

白石

廣昌

大白

丘枚迴

嶺

滋水源自嶺懸流五大湍激之聲震動山谷

官山

古豐州境山有九十九泉流為黑河

三受

降城

古豐州西北八十里東西中三城唐張仁愿築

潞州府山曰壺關

城東

發鳩

子長

紫雲

與壺口接

唐玄宗

潛子潞重九日與

郡官登壺關山時東北有紫雲現光彩射日故名

三峻

屯留

疑山

屯留

仙堂

襄垣

伏

牛

潞城東南

大王

壺關

白巖

泰城

羊腸坡

壺關東南一百六里

漢地

志壺關有羊

腸坡長三里盤曲如羊腸

十八盤

隘

壺關縣東南

汾州山曰萬戶

城西山

水記

堯時洪水諸山

皆沒獨此山不沒

濟者萬戶

狐岐

義孝

勝水出焉

介山

介休

麓臺

平遙即山海經所載

雀鼠谷

介休

遼州山曰遼陽

城東

箕山

城東南七十里石壁中文字人莫識

五指山

城東

北九十五里半山石壁有五手指文因名

秀容

社榆

首陽

和順

古蹟

孫臏坡

接西

馬陵關
伏兵處

沁州山曰龜山

州南銅鞮山

沁介子推所護甲一名

涇水出焉石盤山

武鄉

聖鼓山

州城東北上有大石擊之其聲如鼓下有流水入漳河俗

名小河

澤州山曰羊頭

高平神農嘗五穀處

王屋

陽城南境有仙宮洞天廣三十里即禹貢

所謂析城至
于王屋是也

析城馬武川

龍門山

龍門在秦晉之間萬山之會禹治水極力之地形勢

甲海內久懷游覽而未獲過辛封謁卜子夏入福聖
寺加衣風滋甚衝風往神前村至山麓乃緣棧道步
屨而升既謁禹像風益焚輪起撼松栢騰砂礫上蔀
天日下掩河汾若蛟鳴虎嘯若禹役使羣怪持雷斧
秉神斤以闢龍門時也食既游觀四壁金碧丹青十
三雕謝蓋自六籍子史言禹事者無不開方絢織且
筆精意達非時工可到殿記在元貞年間壁圖必當
其時關中人稱岐山周公廟畫殆不過是也既乃北

謁後寢見塗山氏像止二嬪侍側而冠裳樸質猶可想見古風出廟西南乃捫蘿緣磴以上望河樓即谷泉子所改吞吐雲雷樓也樓在龍門左闌之上蓋梁山中斷而東峙者也其前懸臨中流上作石室旋枉其外以為轉廊室塑十閻羅像俗言至此絕險與死為隣也樓外俯黃流凌白雲孤山直對而雷首中條渺渺冥冥乍見乍沒皆入望眸蹴蹬而下會二公至流丹亭亭北倚石崖其南半懸中流栢柱斜度其下

上有板棚鑿板如井口以汲流即勺水於滄海也亭
扁則白巖喬公小篆下亭就實齋子於河壩壩西即
河也其東皆怪石層崖萃律崎嶇不可以步而內濱
子飄裔如飛予力追不及至壩則而山東轉北遮河
流不見來處停灘環望四面皆山中如院落其前則
兩山拱峙自窟穴而出故曰龍門云

紫團山

東游紫團山自五龍信宿而至道路窈窕穿林木而

上者幾十里及慈雲寺有僧數人邀予觀元人三十六景詩碣在牆根仡仡然散且缺矣由慈雲石磴砢屈攀巖而下復幾里則袁然復地為雲蓋寺山勢四壁巉岼盤遶諸峯挺峙競秀而變形望之鬱然葱葱西連王屋東俯林慮諸山南北相拱帶跨青蓮百泉之勝斯為太行樞要也乃抵寺憩數日山僧導予游循石徑南渡溪由東峯入屏山遮地即為參園已墾為田久矣歷西筆峯緣石而出時藥物纍纍然幽香

杳至復西轉觀瀑布淙淙成流即採藥坐石濯足飲
泉而歸復數日山僧言西峯石局予忻然從之盤條
覓步陟兩峯間其地盤夷可屋予意宜置石室記刻
於此忽飄風颯至西望大谷烟暝蒼翠泉聲泠泠幽
禽間作予愕然久之知即所謂瀑布者邊峯峙立此
得徑觀焉

王官谷

王官谷者唐司空表聖隱居之地今少叅許君德徵

重修而增飾之。涇野子至解僭丘孟學往游焉。馬至
故市西折而南。谷水北流入市。問即貽溪也。沿溪南
行五里至谷口。路多巉巖石礙。馬丹柿赤棘夾路。掛
裳衣躑躅。至先門伏馬而過。道流引登高至門。門下
砌石百級夾扶之。而後能上。道流建閣以祀玉皇。乃
升閣參拜。下閣北至三詔亭。又北過休休亭。謁表聖
日已暮。乃南過了了亭。有侯段兩生讀書白雲洞。洞
則元孤雲子李了了庵所居。以學休休者也。乃南臨

石泉橋望天柱峯則見羣山環拱而此峯孤高挿天
與故市街所望並不同蓋以峯南北之崇山又遠也
渡橋夜與孟學連榻石泉洞中洞在天柱峯根其前
有清流自東瀑布泉引來而西匯為小池欄護焉晨
興瞻玩表聖像飄然有出塵態讀休休記乃知其抱
經濟材與時不合而隱甚可痛惜但未題耐辱居士
則柵又病其隘也壁間多宋元人詩道流引登西山
觀秦王硯硯大如碾盤無口下如尖底磴表聖山中

記已有此名其秦敗晉師于王官時所遺者乎自硯
旁不由故徑懸下蒼崖觀雙人石石在天柱峯西北
倚峯而立上有圓石二枚恍若人面狀又似北望秦
硯而欲濡毫者也道流又引西觀藏雲洞北至蘆葦
泉言洞常出雲而泉更甘冽云為曹仙姑地未往直
趨掛鶴臺瀑布自天柱直下而臺在其左旁鶴二月
來五月生子去有懸草眠迹焉臺東與孟學四人各
據一石而坐北瞰天柱益突兀有四瞻雲日俱無影

止有一峯高接天之句欲東升以觀東瀑布道流難
之遂北反坐聚仙堂東游豬耳山又東南至瀑布登
懸崖以觀之聲如雷轟貌如雪舞瞻瞰更久乃下崖
傍流而行北至柿林臨流偏坐磯上

五臺山

五臺山在五臺縣東北一百四十里環五百餘里山
有五峯高出雲表頂皆積土故謂之臺佛經云北方
有文殊師利所居之地曰清涼山即此也山中圓光

不時呈現亦時有金蓮鉢囊熟縣花之瑞柳宗元曰
雲代間有靈山焉與竺乾鷺嶺閣立相應王琮詩靈
跡傳聞事不虛好山多是異人居雄臨絕塞風霜古
寒逼新春草木踈百里行看層巘出五峯坐見彩雲
舒四時利澤霑羣品誰識楊枝一灑餘中臺高四十
里頂平廣周六里頂西北有太華池取水禱雨輒應
正東左畔去臺五里有雨池前三十里有飯仙山即
中臺案也東西有鷺峯西側有甘露池蔣瑄詩丹崖

碧嶂聳奇觀天近星河壓衆巒雨少四時山自潤雪
多九夏地偏寒平吞嶺海烟波濶遠接天池宇宙寬
萬籟此間俱寂寂惟聞鐘磬出巖端東臺高三十八
里頂平廣周三里頂東畔有那羅延洞僅容人身側
入洞中風寒盛夏有冰五色光彩嘗從內出又東有
樓觀谷內有習觀巖西北去臺十五里有華巖嶺仙
人洞東南嶺畔二十里有明月池人傳以紗帛障目
下觀或見月在水中西南有青峯一曰大羅頂南連

望聖臺臺下有東谷池西南石上有羅侯顯跡又有
善財庵又東去臺有溫湯池溫泉寺釋覺詩度險凌
寒上翠巒東臺風景望中寬深藏佛境乾坤大遠鎮
皇圖社稷安天雨飛花香冉冉海波浮日影團團幾
回笑指蓬萊島三點青峯似髻蟠西臺高三十五里
頂平周二里頂上有魏文帝人馬跡北有秘魔巖洞
天陰中有聲如風西嶺畔有薩埵崖捐身崖去臺西
北有八功德水東北下有文殊洗鉢池釋覺同詩西

嶺鬼我接遠蒼回瞻鄉國白雲傍孤峯嶺翠連三晉
八水分流潤四方晴日埜花鋪蜀錦秋風仙桂落天
香當年獅子曾遺跡巖谷常浮五色光南臺高三十
七里頂平廣周二里南去七十里麓畔有聖僧巖又
名滴水巖西南二十里西崖畔有三賢巖又名七佛
庵東三十里交口下有聖鍾山狀如覆鍾西北一十
五里有清涼嶺嶺西北有清涼泉上有羅漢洞東北
有竹嶺東南十里有金閣嶺蔣誠詩融融日午麗崇

臺四面山光罨畫開清磬有聲常出樹古碑無字漫
封苔安禪老衲忘生滅解脫神仙任去來多少路傍
經過客登臨不惜重徘徊北臺高三十八里頂平廣
周三里名掖斗峰頂南畔有羅侯臺臺頂有黑龍池
即天井南下二十里有白水池與天井連其水經繁
特縣莪谷口入潯沱其麓有七佛池南又有飲牛池
東北有寶峯又名寶山產銀石綠又產天花菜東北
二臺麓有金剛窟又名金剛洞去二臺各二十里昔

佛蛇波利入此不出

霍山

自趙城覽周穆王封造父之地以趨中鎮時適雨霽
由峪口八十五里至鎮下其形勢可伯仲於諸嶽冢
秀而萃翼拱而墮廟在山麓

首陽山

在蒲州南四十五里為伯夷叔齊隱處癸酉十月道
過潼關去首陽僅里餘遂出關北渡黃河登岸即蒲

州也至山中謁二賢祠門之外有古栢二其一大二十圍高二丈許形狀殊怪其次圍殺三之一二根相距數尺而榦上交若兄弟相倚者傳為二賢手植殆未必然其亦千年物歟祠之像為宋元祐中所塑其前復塑一白鹿道士云二賢食薇兼飲鹿乳故塑之此說不見傳記人鮮有知者祠下有歷代石刻其最舊者唐開元十三年梁昇卿碑也祠之右即二賢葬處高墳並峙上多古栢直墳之前為屋中樹山谷老

人碑及刻首陽山古賢人墓六大字日暮乃還夫首陽之重於天下後世以二賢之故然考山之所以得名其說不一孔子稱伯夷叔齊餓於首陽之下考亭註首陽山名及其註詩首陽之巔則云首陽首山之南安成劉氏取春秋傳趙宣子田于首山謂汎名其山則曰首山以山南而言則曰首陽先儒謂首陽即古之雷首禹貢曰壺口雷首至於大嶽蔡仲默云雷首在蒲坂縣南蒲坂即今之蒲州盡州之山無所謂

雷首者今首陽北數里有中條山州志謂此即雷首
曰中條者以界河曲之間延縣不絕故名又謂中條
之下有水曰雷澤即舜所漁之地此又可見中條之
為雷首矣

姑射山

孟夏十八日早發堯廟朱來二君曰姑射之山莊周
所謂有神人居之者其下有龍祠亦勝可往觀焉按
志云三磴山在襄陵縣西南一十五里其山九十餘

里其形三磴其北有龍鬬峪內有龍澍神祠姑射自西北蜿蜒而來平其支石孔其陽三磴其鈎帶故曰姑射耳飛駕至祠下祠面東魏宮謚奧塗丹飾堊其像冕旒而處者曰龍王有泉自山下東流經祠

五老山

五老山在臨晉縣西南七十里接中條山亦名靈峯其山有雷公洞上洞在歸雲巖下洞在北峯有東西錦屏峯峯之陰有張果老洞洞東西有所乘白驢行

迹其韓君隱處號韓峯峯東西有韓君洞羅通微隱處號真人洞又有青成太乙玉峯蒼龍大白王母白沙玄武保德諸洞洞之陽有棄瓢巖即嵩山羽士李皮囊棄酒瓢以奠山神處又號皮囊洞旁有龍井旱禱雨輒應唐玄宗勅玉真公主投金龍其中號玉真洞又有飲鹿金龜金沙玉女諸泉云

烟莊山

聞喜縣六十里至楊村舖入窄峪兩山夾列其中只

容澗道傍無行徑水溢不通行踏亂石進二十里起
一山突立澗畔堂局開綽四面岡巒遠近攢向是為
姜嫄之墓厝封在頂廟在墓傍里人謂鳥飛度必翔
集無輒去予驗之果然一名鳳凰山當鳳首兩翼翥
展對案整布三山如帳外之羣峯秀聳又名定秋山
山上諸植春甲齊茗可占年若發有先後則無年矣
復蹈澗石十五里至橫嶺關巡司歷留莊隘絕崖深
谷數十峯駢肩而列如大牙互挽僅通澗流旁無行

道縷委曲折盤水旋徑計十八度悉履亂石無穩步
也山巒兩壁新綠映空石勢兀嶮又種種作天然奇
巧或巉碎如鋸或擁屏若布或突額前拜或若砌就
或若繡刺或若盤據石皆青紫黑三者雜陳成錦玉
泉瑤草鐵嶂丹巘鳥聲傳壑風力怒號宛在城藏中
隔絕塵世獨清流鎮日與頑岷競僮循罅潛奔了無
爭沸

大行諸山

渡清河飯萬善驛自是始入太行亦不甚險要昇夫
魚貫而上久之以為絕頂矣乃復有山障之愈上愈
不窮至宛子城為豫并界兩山相對數十百丈巨壑
陟絕無底中為嶺道石梁如玉雪又復數嶺回顧中
原怊恍無盡平楚鬱鬱紛吐蒼翠日色與雲氣爭長
俄而雨潦數十里中亘其半狂風驟發萬壑怒號食
頃雨亦隨黎明冒雨發道有祠刻石崖表曰孔子回
車處按趙殺鳴犢孔子臨河而返此去河遠蓋附會

語也泥濘益甚未抵澤州午後飯長平驛即秦白起坑卒四十萬人處也問居人不能指其所第云傍村人鋤地尚得銅鏃如綠玉按自此而北為長子以至晉陽皆趙地趙既築甬道秦何以得絕之前後四五萬人命馮亭始之而成之者平原君馬服君子耳過長平為丹嶺復上下險阻可三十里而稍平暝復小雨抵長子縣趙襄子所不欲走地也

渾源州北嶽恒山圖

龍潭雪

神溪夜月


嶽頂松風


天峯頂

欽定四庫全書

圖書編

卷六





北嶽恒山

北嶽在渾源州之南紛綴典籍舜北巡狩之所為恒
山水經著其高三千九百丈為玄嶽福地記著其周
圍一百三十里為總玄之天子家大行白巖之傍距
嶽五百餘里於是振衣絕頂而放覽焉東則漁陽上
谷西則大同以南奔峯來趨北盡渾源雲中之景南
目五臺隱隱在三百里外而翠屏五峯畫錦封龍諸
山皆俛首伏脊于下

大同府恒山在渾源州南二十里即北嶽也水經謂之玄嶽其山高侵霄漢舜北巡狩至於恒山即此其頂名天峯嶺嶺建北嶽觀觀側有飛石窟上建后山祠鎮之觀如風如虎吼名風虎口觀東南五十里有潛龍泉旱禱雨應能愈疾上建龍泉觀觀之東有夕陽巖巖下有通玄谷巖東面有碧峯嶂東南有古老嶺嶺下有白虎峯觀之北峯頂百餘步有琴棋臺會仙府聚仙臺得一庵又東北有白雲堂初入山有道

名步雲路行數里有翠雲亭上高坡名望仙嶺東半
崖有集仙洞東北有紫芝峪西南有石脂圖

欽定四庫全書



目錄
卷六十二

鴈門山圖

欽定四庫全書

圖書編

鴈門關

五十九





鴈門山

鴈門山在代州北三十五里志云以鴈出其門故名
一名鴈門塞關因山以立凡山西之關四十有餘皆
踞隘保固而聳拔雄壯則鴈門為最故趙李牧漢郅
都備邊於此匈奴不敢近塞固皆一時良將不可謂
非地險也迨我皇朝特設武臣守禦熊羆之士雲屯
於此而又專屬憲臺以提督之可謂要而重矣余出
代州北行皆登陟盤繞之路溪水潺潺其民皆依山

居高下置屋圖不可盡午上關折西躡高嶺絕頂四
望則繁峙五臺聳其東寧武諸山帶其西正陽石鼓
挺其南朔州馬邑臨邊之地在其北長坡峻阪茫然
無際又見巍旌高旗飄飄雉堞之上寒林古塞依依
斜陽之下頗動黃沙紫塞之思

圖書編卷六十二